

ՆԱԽԱԳԾԱՅԻՆ

ԱՇԽԱՏԱՆՔ

Թեմա՝ ՀԱՄՈ ՍԱՀՅԱՆ

Առարկա՝ ԳՐԱԿԱՆՈՒԹՅՈՒՆ

Աշակերտ(ուհի)ներ՝

Գրո Ասրգալան

Էլեն Ասլանյան,

Լուիզա Հունանյան,

Վրեժ Վարդանյան,


Հրաչ Ավագյան,

Արեգ Պետրոսյան,

Ալեն Մելքոնյան

Դասարան՝ 7բ

Ուսուցչուհի՝ Ս. Ասլանյան



## *Բովանդակություն*

<i>1՝ Ուրախ և տխուր հուշեր Համո Սահյանի կյանքից՝ .....</i>	<i>3</i>
<i>1.1 Համո Սահյանի քրոջ՝ Հասմիկ Գրիգորյանի հուշերը.....</i>	<i>3</i>
<i>2. Հովհաննես Այվազյանի հուշերից.....</i>	<i>7</i>
<i>3՝ Այլ դրվագներ Ազգային քանաստեղծի մասին.....</i>	<i>9</i>
<i>4՝ Հուշեր Համո Սահյանի մասին.....</i>	<i>9</i>

# 1. Ուրախ և տխուր հուշեր Համո Սահյանի կյանքից

## 1,1 Համո Սահյանի քրոջ՝ Հասմիկ(Հայկանուշ) Գրիգորյանի հուշերը

Համոն այս պատմությունն ամեն անգամ պատմելիս՝ լաց էր լինում

1920-ական թվականներն էին, ծնողներս գնացել էին սար խոտհնձի: Երեխեքս տանն էինք մնացել: Ընկանք մեծ եղբորս՝ Համոյի հետևից և գնացինք դաշտ՝ սինձ ուտելու: Մեր տան ճամփին նոր թխվող լավաշի բույր էր տարածվել: Կանգնել-չէինք կարողանում շարժվել: Հոտը արբեցրել էր բոլորիս: Նայում ենք՝ թոնրատան ծուխը երկինք էր ելել: Հանկարծ նոր թխած լավաշի դարսը թնին զգած՝ մի կին դուրս եկավ, պատավ հացթուխն էր: Տեսնելով սովահար փոքրիկներիս կանգնած՝ իր կողմը նայելիս, երևի մեզ խղճալով, երկու լավաշ տվեց: Սոված էինք, բայց Համոն չթողեց, որ ուտենք, ասեց՝ մենք սինձ կուտենք, պահենք մեր հորն ու մոր համար: Չկերանք, պահեցինք մինչև հայրս ու մայրս եկան: Լավաշը Համոն ծոցից հանեց, տվեց իրենց:

Ասին՝ դուք կերե՞լ էք, ասինք՝ չէ:

Մայրս ու հայրս լաց եղան:

Համոն այս պատմությունն ամեն անգամ պատմելիս՝ լաց էր լինում, մի օր էլ, արդեն յոթանասուն էր, ասեց՝ Հասմիկ, էն երկու լավաշն արեց, որ ես բանաստեղծ դարձա...

Եղբայրս շատ էր սիրում պապիս, տատիս: Մեր գերդաստանում ընդունված էր ավագությունը: Տան գլխավորին բոլորս էինք սիրում ու ենթարկվում: Մեր տանը հայրս՝ պապիցս հետո, Աստված էր, նրա ամեն մի խոսքը՝ ճշմարտություն և սրբություն:

### Խցիբաբունգ ծուխը

1991 թվականն էր: Համոն եկել էր Լոր, բայց մինչև Լոր գնալը միշտ Դարբասում կանգնում էր, գալիս իմ տուն, ժամերով նստում, մեզ հետ զրուցում...

Ամեն անգամ Դարբասից Երևան գնալիս՝ իր ընկերներին լաց լինելով խնդրում էի, որ Համոյին լավ նայեն, որ ես հեռու եմ, ձեռք-ոտս չի հասնում... Այնքան էի լացում

ու խնդրում, որ ընկերներն էլ չէին դիմանում, այքները սրբում էին... իսկ Համոն ձեռքը դեպի սիրտն էր տանում, ասում՝ վատացավ սիրտս, Հասմիկ, հերիք է, ուզում ես հիմա ապրե՞մ, թե՛ մեռնեմ...

Համոն արդեն հիվանդ էր, միշտ փաթաթված, հագալուց, անընդհատ ծխելուց...

Վերջին անգամ, որ Լորից գալուց՝ ճամփեցի, ասեց՝ Հասմիկ, կարող է էլ չկարողանամ Լոր գալ, մեր հոր դուռը փակ չթողես, մեկ-մեկ գնա դուռը բաց արա, մեր հոր Սահակի ու Խչիբաբի /Խաչի պապի/ ականջը ձենի ա լինելու, ձեն տուր, կարոտ չթողնես...

Ուտերիս, կոներիս զարկեցի լացս դրի, ասի՝ Համո, հաշվի՛ ինձ արդեն թաղեցիր, Խչիբաբոնց ծուխը դու ես, քվերքիդ քույրերիդ/ գլուխը մի կտրիր...

Համոն երեսը թաքցրեց վզի շալի մեջ դուրս եկավ՝ ես էլ մինչև մեքենան շարժվելը՝ ձնկներիս տալով՝ հետևից ընկած...

### Համոյից հետո

...Համոյից հետո, հաճախ եմ գնացել Լոր, բացել եմ մեր հոր տան դուռը և ամեն անգամ լաց լինելով՝ դուրս եկել: Բայց ամեն գնալուց հետո սիրտս հանգստանում է, թեթևանում, ասես Համոյի օրհնանքն եմ ստանում...

Ասում եմ՝ Տեր Աստված, հոգիս առ էլի, սիրտս մոկտում է, էլ չեմ կարողանում դիմանալ: Քսան տարի է արդեն առանց Համո գնում-գալիս եմ, էլ մեծ եմ, ես էլ չեմ կարողանում...

Հիմա էլ սարքել են, շինել, ցանկապատել, արդեն հորս ու Խչիբաբոնց հոտն ու շունչն էլ ա վերացել էր տնից... Թանգարան են սարքել հորս տունը, էլ համ ու հոտ չկա...

Համոն ասում էր՝ Հասմիկ, ես ամաչում եմ, որ հորիցս հինգ տարի ավել եմ ապրել, ինքը 73-ում մեռավ, ես արդեն 79-նն եմ... Բա ես ի՞նչ ասեմ, Համո, տես քեզանից ինչքան ավել ապրեցի՝ 12 տարի: Ասում էր՝ Հասմիկ, դու պիտի երկար ապրես. համ մեր քույրերին ես պահել, համ էլ՝ մեր հորը, ումբուրդ /կյանքդ/ երկար է լինելու...

Ավել չեմ ուզում, գոնե մինչև Համոյիս 100-ամյակն էլ ապրեմ, նույն օրն էլ՝ գիշերը, մեռնեմ:

Համոյի վերջին խնդրանքն էլ կատարեմ, ասում էր՝ հարյուր ամյակիս, Հասմիկ, կգաս զլիսիս վերն կանգնես, մեր տան շունչը զգամ...

Ձայրագած ու հոմորով

Շուտանց էր, Համոն եկել էր գյուղ: Հլա էս երկիրը չէր քանդվել, մի 5-10 տարի առաջ էր:

Մի հարց ունեի ամուսնուս առաջին կնգա երեխու հետ կապված : Համոյին խնդրեցի էդ հարցով զբաղվել, գործը զուխ բերել՝ հենց Երևան գնա:

Համոս միանգամից պայթեց, կարծեցի ախպերս գժվել ա: Բնչքան կատաղություն ուներ՝ դուրս թափեց: Ասեցի՝ Համո, էս մեղա, մի հատ էլ խփիր/խփելու մասին մի բան էլ կպատմեմ.../, բալքիմ դինջանաա:

Ասաց՝ Հասմիկ, ստեղս էս հասցրել...

Ասաց ու կոկորդը ցույց տվեց: Քոռանամ էս:

-Դու չգիտե՞ս, որ էս չեմ սիրում սրան-նրան հարցերով դիմել, բոլ ա էլի, հերիք ա... Հոգիս բերանիցս բերեցիք...

Ձենս կտրեցի, ասի՝ թող դինջանա, նոր կասեմ... Բայց Համոն չէր հանգստանում, վերջում էլ ասաց.

-Հասմիկ, քեզ մոր տեղ եմ ընդունում, բայց դու արդեն պուլերը/հացի գնդեր/ կոխ էս տալիս...

Խշիպապուն արևը վկա, էս անգամ թողնելու եմ, զուխս առնեմ ձեզանից փախչեմ... Որ ոչ մեռնելս իմանաք, ոչ էլ՝ ապրելս...

Միրտս կանգ առավ: Կարծեցի՝ հենց հիմա գնալու է... Մոտեցա Համոյիս զուխը գրկեցի, ասացի՝ ուր էլ գնաս, հետիցդ գալու եմ... Քու քվոր աչքերը քեզ համար բոռանան, առանց քեզ էս ո՞նց կարամ ապրեմ... Հենա հոգիս առ էլի... Առանց Համո ախպոր էս էն աղբահորի շունն եմ...

Աչքերը լցվեցին, բայց տեսնում եմ՝ նեղացել է և հետս չէր խոսում: Առանց հաց ու ջուր կտրել, գնաց Լոր:

Ետ գալուց՝ Դարբասում կանգ առավ, երեսս պաշեց ու աչքերը ինձանից փախ-  
փախ անելով՝ գնաց: Արդեն նեղացած չէր, տեսա, բայց մեջքը դեռ գետնով չէր տալիս,  
խռով էր ցույց տալիս:

Միրոս շատ ցավաց. ախր եղբայրս բաժանված էր, մենակ էր ապրում... և էլ մի  
կողմից եմ դարդ տալիս... Խիղճս տանջեց, ասեցի՝ Համո, քվորդ իրեսը քու վետիդ տակ,  
ինչ ասել եմ՝ մոռացիր...

Էդ մասին էլ չխոսեցի: Երկու-երեք օր չանցած՝ էդ հարցը Համոս լուծեց, բայց  
զանգեց, ասեց՝ Մոսկվայում եմ: Չմեռ էր, ցուրտ: Հագում էր արդեն:

Աչքերս մթնեցին, աշխարհը գլխիս փուլ եկավ. ասեցի՝ էս ա որ կա, Համոն  
մեզանից փախել ա: Համոն եթե Խչիպապի արևով երդում ա ուտում, պրծավ... Լացս դրի  
գլխիս.

-Համո, վետիդ /ոտք/ տակի վեղը /հող/ տառնամ, տեղ թող՝ արի... Խրչիպապի  
արևն եմ ասում՝ էլ քեզ բան չեմ ասի... Քուրդ մեռնի էլ՝ էն Աստուծը, քեզ նեղություն չի  
տա էլ...

Ե՞րբ ես գալու,- հարցրի: Լուրջ-լուրջ՝ թե՛ էլ չեմ գալու, Հասմիկ, ստեղից էլ դենն եմ  
գնալու... որ տեսնամ երևում եք՝ էլի եմ գնալու...

Բա ո՞նց կլինի, Համո, ասեցի՝ դու էդպես հիվանդ, ասթմադ բռնած, խզխզալի...

Ինձ կորցրի... Լեզուս լալկված, ոնց եղավ՝ լեզվիցս թռավ, ասեցի՝ Համո, մի բան  
կլինի, այ քրրամեռ, քեզ ասում եմ վեր կաց, տեղ թող եկ վաթանդ...

Լսեցի՝ Համոն քահ-քահ ծիծաղում է... Հասկացա, որ շուլուդ է արել:

Հիմա էլ լաց եղա՝ ուրախությունից... Համոս ծիծաղեց պրծավ, հետն էլ թե՛ այ իմ  
միամիտ քեր/քույր/, բա ես կարա՞մ առանց ձեզ ապրել... առանց ձեր տանջանքների...

Միշտ պատմում էր, ծիծաղում, ինձ էլ ասում՝ Հասմիկ, մի ընկերներիս պատմիր՝  
թե էն ոնց եղավ, որ ինձ հրավիրեցիր՝ հայրենիքում մեռնելու:

Հասմիկ Գրիգորյանը մահացել է 2016 թ.

## 2. Հովհաննես Այվազյանի հուշերից

### Վերջին օրը

...Համո Սահյանը պատկած է՝ դեմքը պատի կողմը...

Հիվանդասենյակում են Համո Սահյանի կինը՝ Սվետլանան, քույրերը, երկու դեռահաս աղջիկ զարմուհիները, տարիների մտերիմներ քանդակագործ Գետիկ Բաղդասարյանն ու իր կինը՝ Օդենան:

...Շնչարգելություն: Այրոցքը խեղդում է: Թույլ ձեռքը գնում է կրծքավանդակի աջ կողմին ու կծկվում ցավից: ...Թթվածինն օգնեց: Աչքերը բացեց: Ներկաները քաջալերում էին ինձ, որ խոսեմ:

— Գիրքը համարյա վերջացրի, Վարպետ: ...Երկուշաբթի կհանձնեմ հրատարակչություն:

— Հա՞, -ուրախացավ:

— «Նաիրիի» ղեկավարությունը խոստացել է շատ արագ՝ մի երկու ամսում հրատարակել Ձեր «Հատընտիրը»:

— Շատ շնորհակալ եմ, -թույլ ժպտաց: Երկու մատը վեր պարզեց ու իջեցրեց:

— Լավ նշելու ենք, -ասացի:

— Ինձ երկու օր է մնացել, - նորից վեր պարզեց գույգ մատը:

...Ընայն մեկ, թվում է վայրկյանը մեկ՝ այրոցք: Դեմքն անընդհատ ծամածովում է շնչափողի ցավերից...

— Չի անցնում էս այրոցքը... Սպանում է... Երկու անգամ ուժեղ դեղ սրսկեցին... Չօգնեց...

Ու վերադառնում է մեր զրույցի շարունակությանը.

— Սվետան էլ մյուս գիրքը կարդաց, վերջացրեց... Տեսա՞ր չէ, հենց էստեղ հիվանդանոցում սրբագրեց... Մերուժանը եկավ տարավ... Տեր-Գուլանյան...

Համո Սահյանը որոշել էր վերնագիրը «Վերջին լեռնանցք» դնել: Հետո իր նախավերջին օրը փոխել էր, դարձրել «Ինձ բացակա չդնեք»:

– Մանսուրյանն ավարտեց թումանյանական շարքը, -ասացի, -չորս երգ Քուչակից, չորս երգ՝ Թումանյանից, չորս երգ՝ Տերյանից, չորս երգ՝ Սահյանի՝ ց:

– Հը՛ւմ, – ականարկս հասկանալու նշան տվեց:

– Լավն են, չէ՞, երգերը, -հարցրեց Համո Սահյանը, – ավստս չեմ լսել:

...Սկսեց թվարկել՝ «Արագիլ», «Ուլունք», «Ճնճողուկներ», «Կանաչ ախպեր» ...

– Տիգրանն ու՞ր է, ինչու՞ չեկավ... Ասա՛ կարոտում եմ իրեն... Ասա պաշտում եմ իրեն...

Տիգրան Մանսուրյանին չէր տեսել ընդամենը մեկ շաբաթ: Նախորդ ուրբաթ միասին էինք եղել հիվանդանոցում:

– Գրքիս վերնագիրը՝ «Քարե պատարագ», – երկու բառն էլ շեշտեց հատ-հատ:

Վերջին օրերը վերնագրի վրա էր տանջվում ու ամենալավը չէր գտնում... Ահա: Վերջին ժամերին: «Քարե պատարագ»:

Մինչևի վերջին պահը միտքը՝ պարզ: Մինչևի վերջին պահը՝ բանաստեղծ: Մինչևի վերջին պահը ստեղծագործության մեջ: Մինչևի վերջին պահը՝ անսրտունջ:

...Կողքի պատշգամբից Տիգրան Մանսուրյանի կինոերաժշտության հնչյունները լսեցինք... Սվետան միացրեց ուղիղն: Մանսուրյանի հնչյունները ողողեցին Համո Սահյանին:

Ժամը 20.30-ն էր: Ներս էկավ Համո Սահյանի ավագ որդին՝ Նաիրին: Ներքին ստառապանքը թաքցրած, ասաց.

– Հայրիկը քնել է, հանգիստ թողեք, թող քնի: Սենյակից դուրս եկեք բոլորդ:

Վերջին անգամ ձեռքս դրի Համո Սահյանի ոտքին՝ տպավորությունս նույնն էր՝ ստոչում է: Վերջին հրաժեշտի հպումն էր: Վերցրեցի Սվետայի տված՝ Համո Սահյանի վերջին տուփ ծխախոտը՝ որպես հիշատակ:





...Իմ գնալուց հետո շնչել էր եւս երեք ժամ 10 րոպե առանց գիտակցությունը կորցնելու: Բայց այլեւս չէր խոսել...:

Համո Մահյանը վախճանվեց 1993թ. հուլիսի 17-ին:

### **3. Այլ դրվագներ Ազգային բանաստեղծի մասին**

Համո Մահյանն ասաց.

– Ավետիք Բսահակյանը մի անգամ գրողների միությունում ասել է առաջին կնոջս. «Բանաստեղծները երեք տեսակի են լինում. տիեզերական, դա ես եմ. «Դար է եկել Արարատի սեզ կատարին ու անցել»: Համամարդկային, Վահան Տերյանն է. «Ասում եմ ես՝ մնաք բարով»: «Ազգային...»:

Եվ Բսահակյանը բազմանշանակ լռել է:

– Ազգայի նը ով է բա, Վարպետ, – հարցնում է կինս:

– Ազգայինն էլ քո ամուսինն է. «Նաիրյան դալար բարդի»...

– Այդպես է ասել Բսահակյանը: Պահ է, միտքն այդպես է եկել, այդպես է ասել պահի ազդեցության տակ, – Համո Մահյանը ամաչելով հասկացրեց, որ լուրջ չընդունեմ Բսահակյանի ասածը եւ ավելացրեց. – Ոնց թե, բա Թումանյանն է, բա Չարե՛նցը... Թումանյանը ազգային չէ՞ր, համամարդկային չէ՞ր, տիեզերական չէ՞ր... Թե ուզում ես իմանալ՝ Թումանյանը ե՛ւ ազգային է, ե՛ւ համամարդկային է, ե՛ւ տիեզերական. բոլորը միասին է... Պատմությունը միայն քեզ եմ ասում, ուրիշին չեմ պատմել:

## **4. Հուշեր Համո Մահյանի մասին**

### **«Մի տեղ իշխան ու տեր, մի տեղ համեստ հովիվ»**

Հայրս հասարակ մարդ էր, համեստ, ինչ-որ տեղ նաեւ՝ ամաչկոտ: Իր մեջ էղ եսը, էզոն չկար: Ինչպես բոլորն էին, այնպես էլ ինքն էր: Բայց, միեւնույն ժամանակ, նրա ամեն ինչն էր տպավորիչ: Նրա ամեն խոսքը գնում, հասնում էր մինչեւ հոգուդ հատակը: Խորհուրդ չէր տալիս, ուրիշ տեսակ մարդ էր... Նրա ակնհայտ

սովորություններից մեկը շատ ծխելն էր: Միշտ էր ծխում. օրը մի քանի տուփ: Մաման ինձ ու եղբորս սովորեցրել էր, որ եթե պապան աշխատում էր, մենք պետք է լուր մնայինք, բայց հայրս պահանջկոտ չի եղել երբևէ և ոչ մի հարցում: Իր ներկայությունն արդեն իսկ հերիք էր, որ մենք խելոք մնայինք:

**«Ես այն եմ եղել, ինչ որ եղել եմ»**

Հայրս գործի մեջ պարփակված մարդ էր: Երբ դեռ փոքր էինք, այդ ժամանակվանից մեզ համար Թումանյան ու Բակունց էր կարդում, կաթիլ-կաթիլ լցնում մեր մեջ: Իսկ, առհասարակ, նա համարում էր, որ ինչի արժանի էս, դրան էլ կհասնես: Միշտ ասում էր, որ երեխային չի կարելի գոռով տանել ինչ-որ ուղղությամբ. ուր գնալու է, կգնա: Երեւի իր կյանքի փորձից էր ասում: Նա 13 տարեկանից մենակ է եղել ու հասել նրան, ինչին պետք է հասներ:

**«Հիշում եմ լքված մի թոնիք, բերանին մամռոտած մի խուփ»**

Հայրս հասարակ գյուղացի էր: Նա միշտ ասում էր. «Ոնց գյուղացի եղել եմ, այդպես էլ կամ» ու միշտ պարծենում էր դրանով: Նա մեծ կուլտուրայի տեր մարդ էր: Երբևէ ոչ ոքի սպասեցնել չէր տալիս. միշտ առաջինը ինքն էր գնում հանդիպման:

**«Աշխարհում միշտ բաց են եղել դռներս կրնկի վրա...»**

Մենք ապրում էինք մի շենքում, որտեղ մի շարք ուրիշ գրողներ էին ապրում: Բոլորն իրար հարեւան էին: Նրանց մասնակցությամբ հավաքներ մեր տանը շատ է եղել: Գալիս էին Պարույր Սեւակը, Վահագն Դավթյանը, Նշան Մուրադյանը: Մեզնից մի հարկ վերելում ապրում էր արձակագիր Քրիստափոր Թափալցյանը, ներքեի հարկում Մարմենը: Մեզ հարեւան էր նաև բանաստեղծ Արշալույս Մարոյանը: Մեր դռները միշտ բաց էին իրար առաջ: Մի ուրիշ եղանակ էր այդ շենքում, բռնեմական հրաշք էր, որ չգիտեմ երբևէ կկրկնվի, թե ոչ:

**«Միջոցներս... չէ, այս անտեր փողից բան չեմ հասկանում»**

Մենք երբևէ ապահով, առավել ևս՝ հարուստ կյանքով չենք ապրել: «Գրքից գիրք» էինք ապրում, իսկ հորս գրքերը տպվում էին 4-5 տարին մեկ անգամ: Այդ շենքում, որտեղ ապրում էինք, բոլորն իրարից պարտքով փող էին վերցնում, բայց դրանից չէին ամաչում. Էդպես էին ապրում, հասկանում էք: «Պարզեցրու, գտիր խոհերն իմ խառնակ» Հայրս միշտ ասում էր, որ իր բոլոր ստեղծագործություններն իր զավակներն են, և ինքը պատասխանատու է դրանց բոլորի համար: Ես իմ աչքով տեսել եմ, թե

ինչպես էր մի բան գրելուց 10-15 րոպե հետո կարդում այն, բարկանում, պատռում էր ու գցում մի կողմ: Էդպես շատ է պատռել:

**«Կյանք իմ, դու ձրի ներկայագում, բայց ինչքան թանկ էս նստում վրաս»**

Հիշում եմ, որ երբ մեծերով հավաքվում էին մեր տանը, խոսում էին գրականությունից, արվեստից, ընդհանրապես, մարդուց: Թե ուր է նա ձգտում, ուր է գնում, ժամանակը նրան ուր է տանում, ինչ է պետք մարդ մնալու համար: Նրանք տեսնում էին, որ քաղաքակրթությունը մարդու մեջ սպանում է լավագույն հատկանիշները: Նրանք վախենում, սարսափում էին հագած-կապած, բայց դատարկ ու կաղապարված մարդկանցից:

**«Մորս ծաղիկ ծոցի մեջ կար մի ծիվ-ծիվ Հայաստան»**

Այդ մարդիկ Հայաստանի ապագայով էին ապրում: Հայրս իր հայրենիքը միշտ համեմատել է մոր հետ: Իր երկրի ճակատագրով մտահոգված է եղել միշտ: Նա այն համոզման էր, որ մենք եղել ենք, կանք ու կլինենք, չնայած գիտեր, որ դժվարին ճանապարհ է սպասվում: Նա ասում էր, որ եթե ժողովուրդը իր հոգով բարձր է, ուրեմն կա: Հիմա մեր ազգը հոգեւոր հայր չունի: Սահյանը, օրինակ, կարող էր այսօր մի բան ասել, որ ոչ մեկը չի ասում: Բայց քանի որ դրա հնարավորությունը չկա, հիշենք նրա խոսքերը. «Իմ երգերում ինձ ման եկեք. էս ուրիշ տեղ չկան»:

**Համոն ու Սերոն**

Համո Սահյանը զանգահարում է Սերո Խանգաղյանին: Լսափողը վերցնում է Սերոյի որդին.

- Սերոն տա՞նն է...

- Չէ՛, - կտրուկ պատասխանում է որդին: Հետևում է Համոյի ստուգող հարցը.

- Ո՞վ ասաց...

- Ինքը,- լինում է պատասխանը:

